

理瀚駢文摘要

韓園醫學六種

弁言

天地一氣之所鼓盪也人身一氣之所
周流也天地之氣不順變為災祲人
身之氣不和釀成疾病由是湯液之
法主治內敷貼之方主治外內外分
科而治法亦判而為二矣錢唐吳君

尚先著有理論駢文初用膏藥並治
內外諸症其法有五審陰陽察時
行求病機度病情辨病形各有主
膏亦各有精藥其臟腑之寒熱相
移者則究其本始而治之其病之
臟腑者則又分臟腑而治之至婦
女

之經期胎產乳岩等症莫不本仲景
經文為用膏藥之大法並附膏方二
十有一摺藥方二十有七嘗行之於江
北治效歲以萬計余自客歲旋里
養疴僦居瀆川兼施醫藥并宗其
敷貼之法而濟以鍼刺俾鬱結之氣

宣而膏藥之氣尤易滲入治病頗有
奇驗大抵病之由外入內流行於經絡
臟腑者固非一膏一藥所能治若初感
時邪或為六氣所侵或為七情所鬱
氣凝血滯及有形狀可按者以膏藥
按上中下三焦要穴貼之閉其外邪從

入之遂而後或提或散或清或溫糝之
以藥則通經活絡之方視湯液尤為得
力蓋其外治之法實與內治並行并可
以內治之法移為外治不待切脈不
煩飲藥而自可奏功且以膏藥治病
用之而效固有奇功偶或不效亦無

大害較之孟浪用藥一誤而不可救者
其存心之仁與不仁豈可同日語哉竊
嘉吳君之擇術仁而用意厚爰并
數言以付剞劂并志膏藥之功用
云時

光緒三年正月吳縣潘霽



穴後背



穴面正



穴側右



穴側左



清陽膏

此膏代敗毒通聖散用

孕婦忌貼

治上焦風熱及表裏俱熱者凡三陽症均宜之並治頭
疼如神及外症癰毒紅腫毒氣攻心作嘔不食貼胸背
可護心

頭疼

貼太陽穴連腦痛貼腦以後第二椎下兩旁

風門穴

鼻塞

貼鼻樑并可捲一張塞鼻

煩渴

貼胸背

欬嗽內熱

貼喉下心口或貼背後第三骨節

大頭瘟

糝青黛末貼腫處再用上清散加冰片吹

鼻取嚏

疔腮

貼腮上兼用雲台膏或敷烏龍錠用醋磨

赤眼腫痛

貼太陽穴再用五黃錠醋磨敷眼胞及

煎湯洗可用上清散吹鼻取嚏

牙宣

貼腮上

口糜口瘡

糝赴宴散貼胸口或臍上

牙疳

糝紫雪丹貼心口可用人乳煨人中白和水

片吹並青黛散敷頸上極盛者用大黃綠豆敷

足心

熱實結胸

貼胸背重者糝大黃芒硝甘遂枳實末

貼

耳鳴耳聾

將膏剪半開勿斷夾耳門貼再用龍蒼

錠醋磨敷一周時如有膿水日久不乾可

用枯礬雄黃輕粉海鰓鮓末敷

風火喉閉 用上清散加冰片麝香少許糝膏貼喉

中央或頸兩旁 或用塞鼻丹棉裹塞鼻

亦可

鼻衄

貼心口背心

胃熱者加清胃膏貼中脘
腎熱者加滋陰膏貼丹田并用

大蒜塗兩足心

熱毒發癰

糝紫草茸末貼心口背心

鼻淵

貼背後第三骨節

吐血

貼胸背

便血

貼臍上并肛門

臟腑火症

貼胸背臍腹

尿血

貼小腹

熱淋

貼臍下

肛門腫痛

貼患處

熱秘

貼當臍

大人中風熱症

貼胸背及臍上

小兒驚風痰熱

貼胸背

小兒內熱

糝硃砂黃連末貼心口背心

婦人熱入血室

貼心口并期門穴穴在兩乳旁各

開一寸半是也

血結胸

糝大黃末貼痛處

脚風

貼患處

熱結血閉

貼臍下

瘧疾

貼背後第三骨節

附糝藥方